

Asmira Bešić, diplomirani pravnik - Magistarski rad

Fakultet/Akademija	PRAVNI FAKULTET
Tip Rada	Magistarski rad
Kandidat, zvanje	Asmira Bešić, diplomirani pravnik
Naziv Teme	Teorijski i praktični problemi jedinstvenog suparničarstva
Rezime/Abstract	<p>Određeni sporovi mogu se riješiti samo na jednak način prema svim suparničarima. To omogućava ustanovljena zakonska fikcija po kojoj se jedinstveni suparničari smatraju jednom parničnom strankom, i što zakoni ili pravna priroda odnosa određuju sporove koji se mogu riješiti samo na jednak način prema svim suparničarima. Jednako rješenje određenih sporova specifično je obilježje jedinstvenog suparničarstva, zajedno sa nužnošću u određenim slučajevima, da svi učesnici spora budu obuhvaćeni tužbom kao parnične stranke, po čemu se bitno razlikuje od ostalih oblika suparničarstva. Položaj suparničara u parnici određen je pravnim odnosom njih samih, protivne stranke i suda, a najviše zavisi od spornog materijalnopravnog odnosa, a prema kojem se suparničarstvo dijeli na: obično i jedinstveno. Obično suparničarstvo je vrsta suparničarstva koje opredjeljuje procesni položaj suparničara na način, da je svaki suparničar samostalna stranka u parnici, čije radnje ili propuštanja ne koriste niti štete drugim suparničarima. Za razliku od običnih suparničara, ako jedinstveni suparničari propuste neku parničnu radnju, dejstvo parničnih radnji koje su izvršili drugi suparničari, proteže se i na one koji te radnje nisu poduzeli. Ovakvim određenjem, jedinstveno suparničarstvo izdvaja se od drugih vrsta suparničarstva, u kojem od volje tužitelja zavisi da li će tužiti jedno ili više lica. Jedinstveno suparničarstvo dijeli se na dobrovoljno i nužno, u kojem podjela ne zavisi od jednakog načina rješenja, jer se stiče kod oba oblika, već od toga da li je nužno učešće u parnici u svojstvu parnične stranke svih učesnika spora. Propust tužitelja da tužbom obuhvati sve učesnike spora čini tužbu neurednom, pa će je sud vratiti na ispravak i dopunu i rješenjem će naložiti uređenje tužbe. Ukoliko tužitelj ne postupi na način kako je to sud naložio, sud će presudom odbiti tužbeni zahtjev zbog nepotpune stvarne legitimacije. Svaki nužni suparničar ima samostalno pravo na tužbu, jer se zahtjevi suparničara u suparničarskoj zajednici vezuju za ličnost suparničara, a ne za njihovu procesnu zajednicu. Jedinstveni suparničari, iako se smatraju kao jedna parnična stranka, ne gube svoj pravni subjektivitet u postupku, jer se zahtjevi koje ističu vezuju za njih, a ne za njihovu suparničarsku zajednicu. Individualnost parničnog subjektiviteta jedinstvenog suparničara ograničena je obavezom jednakog načina rješenja spora prema svim suparničarima. Ključne riječi: materijalnopravni odnos, jednako rješenje spora, jedinstvenost kao parnične stranke, nužno suparničarstvo, protezanje parničnih radnji aktivnih suparničara na one koji su ih propustili poduzeti, nepotpuna stvarna legitimacija, pravni subjektivitet.</p>
Datum	24.05.2013
Predsjednik	Dr sc. Jasmina Alihodžić, docent – predsjednik Uža naučna oblast «Građansko – pravna»
Mentor	Dr sc. Senad Mulabdić, vanredni profesor – mentor i član, Uža naučna oblast «Građansko - pravna»
Član komisije	Dr sc. Hamid Mutapčić, docent – član, Uža naučna oblast «Građansko – pravna»
Član komisije	-
Član komisije	-
Zamjenski član	-
Dodatni detalji i lokacija	24. 05. 2013. godine u 17,00 sati na Pravnom fakultetu Univerziteta u Tuzli
Zavrsne Odredbe	Magistarski rad se može pogledati u Sekretarijatu fakulteta, radnim danom od 10,00 do 14,00 sati. Pristup javnosti je slobodan.